

Zabur 68:1(67:2) Huday galkar, duşmanlary dargadar, Ony ýigrenýänler öňünden gaçar.

Zabur 5:9,10(10,11) Dushmanlarim og'zidan haqiqat chiqmaydi, Ularning yuraklari balo-ofatdir. Og'izlari ochilgan qabr kabitidir, Tillari xushomad qiladi. 10(11) Ey Xudo, ular gunohkordir, jazolagin! Niyatlari o'zlarining boshiga yetsin. Ular Senga qarshi isyon qilganlar. Gunohlari ko'pligi uchun ularni haydar yuborgin.

Zabur 7:1,2(2,3) Senda panoh topaman, ey Egam Xudo, Payimga tushganlardan xalos et, qutqar meni. 2(3) Yo'qsa, ular meni sherdai g'ajib tashlaydi, Burda-burda qiladi, hech kim meni qutqarolmaydi.

Zabur 11:6(10:6) Qabihning ustiga cho'g', oltingugurt yog'diradi, Ularga ulush qilib garmselni beradi.

Zabur 18:2(17:3) Egam suyangan qoyamdir, mening qal'am, qutqaruvchimdir. Ha, Xudodir mening qoyam, Unda panoh topaman. Udir mening qalqonim, qudratli najotkorim, qo'rg'onim.

Zabur 18:14(17:15) O'qlarini otdi, Chaqmoq chaqtirib, yovlarini tirqiratdi, Ularni sarosimaga soldi.

Zabur 18:17(17:18) Meni kuchli g'anımlarim qo'lidan, Mendan nafratlangan yovlarimdan qutqardi, Ular mendan kuchli edilar.

Zabur 18:39(17:40) Sen menga quvvat berib, jangga yubording, Menga qarshi otlangan yovni oldimda bosh egdirding.

Zabur 18:45(17:46) Yot ellar holsizlanib yiqildi, Qaltirab manzilidan chiqib qochdi.

Zabur 18:48(17:49) Meni g'anımlarimdan U qutqargan, Bosqinchilardan meni ustun qilgan, Meni zo'ravonlar qo'lidan xalos etgan.

Zabur 23:3(22:3) U menga qayta kuch baxsh etadi. O'zining nomi haqi-hurmati Meni to'g'ri yo'lga boshlaydi.

Zabur 27:11(26:11) Yo'lingni menga ko'rsat, ey Egam, Dushmanlarim poylab turgani uchun Meni to'g'ri so'qmoqlaringdan yetakla.

Zabur 31:15(30:16) Hayotim Sening qo'lingdadir, G'anımlarim qo'lidan, Payimga tushganlardan meni qutqargin.

Zabur 34:4(33:5) Egamga yuz burdim, U javob berdi, Hamma qo'rquvlardan U xalos qildi.

Zabur 34:7(33:8) Egamizdan qo'rqqanlarning atrofida Egamizning farishtasi qarorgoh qurib, Ularga najot baxsh etadi.

Zabur 34:13(33:14) Demak, tilingizni yomon so'zlardan tiying, Og'zingizni yolg'on gaplardan asrang.

Zabur 34:17-19(33:18-20) Taqvodorlar yolvoradi, Egamiz eshitadi, Barcha

balolardan ularni Egamiz qutqaradi. 18(19) Ko'ngli cho'kkamlarga Egamiz yaqindir, Ruhan ezilgamlarni U qutqaradi. 19(20) Solihlarning qayg'ulari ko'p bo'lsa, Hamma qayg'ulardan Egamiz xalos qilar.

Zabur 35:1-8(34:1-8) Dovud sanosi. Ey Egam, menga qarshi chiqqanlarga O'zing qarshi bo'l. Menga hujum qilganlar bilan O'zing jang qil. 2 Qalqonu sovutingni ol, Qani, menga yordamga kel. 3 Meni ta'qib qilganlarga qarshi Nayzayu boltangni olgin. "Senga najot beraman", deb O'zing menga va'da bergen. 4 Mening jonimga qasd qilganlar Sharmandayu sharmisor bo'lsin! Menga qarshi fitna qilayotganlar Uyatga qolib, orqaga qaytsin! 5 Xuddi shamolda uchgan somon singari, Ey Egam, Sening farishtang ularni quvsin. 6 Qorong'u sirpanchiq bo'lsin ularning yo'li, Ey Egam, Sening farishtang ularni quvsin. 7 Sababsiz menga tuzoq qo'ydilar, Meni tutib olib o'ldirmoq uchun Sababsiz menga chuqur qazidilar. 8 To'satdan ularning boshiga halokat kelsin, Qo'yan tuzog'iga o'zlari o'ralib qolsin, Qazigan chuqurga o'zlari yiqilib, bitsin.

Zabur 35:10(34:10) Butun vujudim xitob qiladi: "Senga o'xshashi yo'q, ey Egam, Bechorani zo'ravondan qutqarasan, Faqirni talonchidan qutqarasan."

Zabur 36:7-9(35:8-10) Sodiq sevging, ey Xudo, naqadar bebahodir! Qanolaring soyasida insonlar panoh topadi. 8(9) Ular uyingdag'i ne'matlardan yeb to'yadi, Lazzat to'la daryoingdan ularga ichirasan. 9(10) Hayotning bulog'i Sendadir, Ziyo olarmiz Sening nuringdan.

Zabur 37:5(36:5) Yo'llaringni topshirgin Egamizga, Ishon Unga, U madad beradi.

Zabur 37:23,24(36:23,24) Egamiz insonning yo'lidan mamnun bo'lsa, Uning qadamlarini sobit qiladi. 24 Hatto qoqilsa ham yiqilib tushmaydi, Egamiz madad berib, qo'lidan ushlaydi.

Zabur 37:40(36:40) Egamizdan panoh topgani uchun Solihga Egamiz madad beradi, uni qutqaradi, Fosiqdan omon saqlaydi, unga najot beradi.

Zabur 39:1(38:2) O'zimga o'zim shunday deyman: "Yurar yo'llarimni kuzatib boray, Gunoh so'zdan tilimni tiyib yuray, Fosiqlar hamon o'rab turarkan meni, Qufl urib yopib olay og'zimni."

Zabur 41:4(40:5) Shunday iltijo qildim Senga: "Ey Egam, shafqat qil menga, Gunoh qildim Senga, shifo bergen."

Zabur 42:5,11(41:6,12) Nega tushkunlikka tushasan, ey jonim? Nega behalovat bo'lasan ichimda? Xudoga umid bog'la! Shukur etaman Yana Unga — najotkorim, Xudoyimga. Tushkunlikka tushganman. 11(12) Nega tushkunlikka tushasan, ey jonim? Nega behalovat bo'lasan ichimda? Xudoga umid bog'la! Shukur etaman Yana Unga — najotkorim, Xudoyimga. (Zabur 43:5(42:5))

Zabur 43:1(42:1) Ey Xudo, oqla meni! Shakkok xalqqa qarshi da'voim bor. O'zing meni himoya qil. Meni bu yolg'onchi, adolatsizlardan qutqar.

- Zabur 44:4(43:5) Sen Shohimsan, Xudoyimsan, Amr ber, Yoqub nasli g'olib bo'lsin.**
- Zabur 51:4(50:6) Senga, yolg'iz Senga qarshi gunoh qilganman, Sening oldingda qabihliklarga qo'l urganman, Shu bois hukm qilganingda Sen barhaqsan, Aybimni fosh etganingda doimo to'g'ri bo'lib chiqasan.**
- Zabur 52:5(51:7) Xudo esa seni to abad vayron qiladi, Seni ushlab, chodiringdan tortib chiqaradi, Tiriklar yurtidan yo'q qilib tashlaydi.**
- Zabur 54:7(53:9) Saqlading har qanday kulfatdan meni, Ko'zlarim ko'rdi dushmanlarim mag'lubiyatini.**
- Zabur 55:18(54:19) Garchi menga qarshilar ko'p bo'lsa ham, Birorta ham zarar yetkazmay Meni janglardan qutqaradi.**
- Zabur 59:2(58:3) Badkirdorlardan qutqargin meni, Qonxo'rillardan saqlagin meni.**
- Zabur 60:12(59:14) Ey Xudo, Sen bilan biz g'olib bo'lamiz, Dushmanlarimizni Sen yanchib tashlaysan.**
- Zabur 63:11(62:12) Shoh esa Xudodan sevinch topadi, Xudo nomi bilan ont ichganlar Uni madh qiladi, Yolg'onchilarining og'zi esa yopiladi.**
- Zabur 66:3(65:3) Xudoga aytinglar: "Sening ishlaring naqadar g'aroyib! Qudrating buyukligidan Dushmanlaring oldingda g'ujanak bo'ladi.**
- Zabur 68:6(67:7) Xudo yolg'izlarni xonadonga joylashtiradi, Asirlarni rohatga, erkinlikka olib chiqadi, Isyonkorlar esa qaqrangan yerga ega bo'ladi.**
- Zabur 68:35(67:36) Xudo qo'rqinchlidir O'zining Muqaddas maskanida, Isroil xalqining Xodosi kuch-qudrat berar O'z xalqiga.**
- Zabur 70:1(69:2) Ijrochilar rahbariga. Bizni Egamizning yodiga solish uchun aytilgan. Dovud sanosi. (2) Ey Xudo, najot ber menga, Kelgin tezda, ey Egam, madad ber menga.**
- Zabur 71:4(70:4) Ey Xudoyim, fosiqning qo'lidan meni qutqargin, Adolatsiz, zolim odamning iskanjasidan qutqargin.**
- Zabur 71:13(70:13) Meni ayblovchilar sharmandalikdan yerga kirib ketsin, Menga zarar yetkazmoqchi bo'lganlar Masxara bo'lsin, badnom bo'lsin.**
- Zabur 72:12(71:12) Mazlum nola qilganda, shoh najot beradi, Madadkori yo'q bechorani u qutqaradi.**
- Zabur 76:12(75:13) Xudo takabbur shahzodalarni bo'ysundirib oladi, Yer yuzi shohlarini qo'rquvga soladi.**
- Zabur 79:9(78:9) O'z shuhrating haqi, bizga madad ber, Ey najotkorimiz Xudo! O'z noming haqi, bizni qutqar, Gunohlarimizni kechir.**
- Zabur 86:17(85:17) Marhamating alomatini menga ko'rsatgin, Toki g'animirim buni ko'rib, sharmanda bo'lsin. Meni qo'llab, tasalli bergansan, ey Egam.**
- Zabur 91:14,15(90:14,15) Egamiz shunday deydi: "U Meni yaxshi ko'rgani uchun Men uni qutqaraman. Meni bilgani uchun Men uni himoya qilaman. 15 U iltijo qilganda Men javob beraman, Og'ir kunlarida u bilan birga**

bo‘laman, Uni qutqarib, unga izzat ko‘rsataman.

Zabur 92:11(91:12) Dushmanlarim mag‘lubiyatini ko‘zlarim ko‘rdi, Badkirdorlar zavolin quloqlarim eshitdi.

Zabur 103:10(102:10) Bizni U gunohlarimizga qarab jazolamas, Yomonliklarimizga qarab qaytarmas.

Zabur 104:9(103:9) Bu suvlar toshmasin deb, Yana yer yuzini qayta qoplamasin deb, Sen chegara qo‘ygansan!

Zabur 107:6(106:6) Kulfatda qolganlarida Egamizga nola qildilar, Egamiz ularni azob–uqubatlardan qutqardi.

Zabur 118:10(117:10) Dushman xalqlar o‘rab olgan atrofimni, Egamning qudrati bilan ularni uloqtirdim.

Zabur 118:12(117:12) Atrofimni arilarday o‘rab oldilar, Tikan alangasiday lov etdilar–da, o‘chdilar, Egamning qudrati bilan ularni uloqtirdim.

Zabur 121:7,8(120:7,8) Egamiz seni har qanday xatardan asraydi, Joningni Egamiz omon saqlaydi. 8 Hozir va to abad qayerga borsang ham, Egamiz doim senga posbonlik qiladi.

Zabur 138:3(137:3) Chaqirganimda, menga javob bergansan, Qudrating bilan meni jasur qilgansan.

Zabur 140:1(139:2) Yomonlardan meni qutqar, ey Egam, Zo‘ravonlardan himoya qil meni.

Zabur 140:4,5(139:5,6) Ey Egam, meni qabihlarning qo‘lidan qutqar, Yiqitmoqchi bo‘lgan zo‘ravonlardan meni himoya qil. 6 Takabburlar men uchun tuzoq qo‘yganlar, Ular to‘rlarining iplarini yoyganlar, Yo‘lim bo‘ylab menga qopqon qo‘yganlar.

Zabur 142:6(141:6) Faryodimga quloq solgin, Axir, oyoq osti bo‘lib ketdim–ku. Meni ta’qib qiluvchilardan qutqar, Ular mendan g‘oyat kuchlidirlar.

Zabur 143:9(142:9) Ey Egam, meni g‘animlarimdan qutqar, Panoh istab Senga ochib borganman.

Zabur 147:14(147:3) Shohligingga U tinchlik ato qiladi, Bug‘doyning eng yaxshisi bilan to‘ydiradi.

Zabur 149:6-9 Xudoga hamdu sano tillaridan tushmasin, Qo‘llarida dudama qilichlar bo‘lsin, 7 Toki yot xalqlardan qasos olsin, Elatlarga jazosini bersin, 8 Insondon umid qilgandan ko‘ra, Egamizdan panoh izlash yaxshidir. 9 Shahzodalardan umid qilgandan ko‘ra, Egamizdan panoh izlash yaxshidir.